

大清光緒十三年

本館新聞除禮拜外日出一張
諸君賜閱本報者無論
本埠外埠均可函致本館取
閱如外埠閱報加寄費可
也除日報照常刊送外復不
惜工本從英國採辦新式
紙各機器以待與各官商
刊印書籍單件並有英國各
體活字及各式花邊等延有
西人指印工藝甚精所有中
西文字均能刊印並有石板
印字大小機器均用精工刊

第 一 千 七 百 四 十 七 號

叻報

本館開辦在星洲大馬路門牌

印工總絕倫前延有文士書
寫各體文字現由上海購到
各種書籍出售其書目另行
刊佈所有各項價甚相宜再
本館所登來札原擇其有關
世道人心者附登否亦須無
礙於人而後始錄其有謬誤
成文以及支離費解者概不
登報嗣後諸翁來札尚祈
自諒更須寫實里而後敢
登但來稿登與不登均不能
將原稿收回也 本館謹白

丁亥七月廿八日

凡閱報者每月報費一元每日售錢五仙(大英一千八百八十七年九月十五號禮拜四)凡印告白第一日每一字一仙第二日以下每字半仙

本館佈告 ○啟者本館所刊來札須要書明姓字而後敢登業已列明報首上層乃 諸君近
所寄到來函囑登本報多有諱其名姓彼詩文等類以筆墨為消遣者猶有可原乃有涉及時事者亦自諱
其名似此照例實不敢為之登報茲特再為詳告嗣後 諸君有來札囑登本報者務宜明示姓名始以
之列報或有不欲沽名特為諱去者當可另附外號以登報紙而所投本館之信亦須寫明名姓似此方合
體裁若但用外號是為隱匿名實有礙登報也茲特佈告 閱者諒焉 本館謹啟

悼紅說

前數日本館曾錄戒邪緣文一則蓋恐世人不知情欲之辨而誤用其情託於惜玉憐香而錯色魔所擾非
如死灰槁木為太上之賢忘者苟能得其正如國風之好而不流於淫則雖倚翠偎紅極男女之樂猶不失
為善道開情之士特不可為宋玉所惑屢窺西隣而紅杏墻頭遂有春色難關之謂雖不必桑中陌上定有
邪緣敗節喪名等於狂且之桃徒即使意念所注偶涉於邪雖未鼓張生之琴而已吹景隆之笛或見嬌姿
於道左而魂夢縈懷或窺艷色於簾中而機緣妄湊或見紫雲於座上杜司動不禁狂言或聞碧玉於閨中
武承嗣便思篡取由色生想由想生邪種種意淫不能遏止五內已亂而喪廉忘恥之事不敢信其必無矣
惟有以戒之庶能發乎情而止夫禮月中有色而心中則無即試以柳下惠之坐懷豈真甘居古人之後此
即佛經所謂花不着身而香自在也若是者則日在眾香國中而能不襲不染置之於馬融之帳鄭康成能
不邪視焉然非有定見定識則斷斷乎不可夫古之善言情者豈必狎褻縱慾祇知巫山巫峽為樂境乎哉
緣其得登摩之真傳知羣芳劫中原有可憐之處既不能紅羅萬匹普覆鴛鴦則何妨翠黛三升代描蝴蝶
故施以蘊藉出以溫柔使嫩蕊嬌花不至慨於終風之暴嘗讀袁太史詩有春在東風原是夢牛非薄命不
為花之句為之慨然者久之竊謂天女無情散作人間之劫由天註定莫可如何而靜言思之則其咎不在
天也殆薄倖男兒有以致之耳夫李氏斷臂驛女露筋姚淑刺心巧焚吞鐵婦女之不幸莫過如斯似由於
生命不辰天為之厄遇而不知天之所以磨折者正天之所以玉成也使數人者伉儷克敦慰心於偕老則
不過尋常夫婦何足綿佳話於千秋形管燭輝後人追慕今之所以芳名仍在者以其遇之難焉耳故曰非
天為之實人致之也夫早寡非薄命也枯井之歌迄今為烈者無論矣則使求凰一曲傳到閨中而卓氏文
君遂改相舟之節以此為薄命則為僧父之言何也以此卓氏之智慧必不短於情使其故夫為意中人決不
肯遣作琵琶之別抱其忍而用此者殆非耦可知矣倘其諧齊白髮則駁馬果漢抱憾終身乃天誘其衷使
之早夭留此美質以待高賢非天憐司馬之才實天保文君之色也此何薄命之有哉如白頭吟作頗改初
心則怨以愛成斯為薄命矣此由於人之致之者其明証一也自棄非薄命也寄迹空門不免獄苦若無論
矣即使香偷韓壽而傳女離魂形迹未彰而醜聲已播香消玉碎黃土傷心未為速理之枝遽作潑形之石
以此為薄命亦為僧父之言何也情之所在不問於死生苟能如願而償則幽明奚隔與其生而分袂何若
魂交之為得即使韓壽畏罪不納則斯為薄命矣此由於人之致之者其明証二也又誤嫁非薄命也術有
神通而下交磨鏡者無論矣即使玉簫函中而白首同諧鄒鄂之卒家有芙蓉月老亦繩妄為繫足牛渤而
上明堂之器見者傷心巧婦拙夫錯啖雙鈞之餌以此為薄命亦為僧父之言何也從一而終婦人之義苟
能射雉何患貌之不揚倘自謂慘綠之年不知體恤則離屬雙璧而脫輻頰占陌畔東風慣作折鶯伎倆則
斯為薄命矣此由於人之致之者其明証三也

龍中商報

○刻接三寶壠遞來郵信云現該處有荷國宜刺沙洋行現已製成機器並僱用爪亞
工人多名由小呂宋購辦上等烟葉至離自行製造所製者均選上葉並無碎片及雜沙混入其中故其所
製較諸小呂宋之烟遠有過之且其價值復較由小呂宋載至者甚廉蓋因該處工價廉於小呂宋且事係
創辦故低其價以求市場之暢也查其烟每箱係載百枚香葉異常似此製造則小呂宋之烟商宜有以熟
為之計須選上料慎無以低貨欺人夫然後始不至利權為他人所奪也

船料至叻

○本坡心士洋行現由歐洲載至小輪船料一具查該船係在歐洲所製各物俱備惟

聞此案再須押候至八月初五日始行傳訊云

俄人設局 ○近來俄人運守太平洋一帶海面甚嚴現俄廷已發令在巫士得海面之戰艦隊中撥出鐵甲戰船六艘至太平洋一帶地方駐紮查辦船內有一艘名逸馬路那希標者最巨且堅計大有七千七百八十一噸內載大炮共十四門計炮門徑闊九英寸者四門徑闊六英寸者十門云觀俄人之留意太平洋若此則其意殆可知矣

嚴辦刑罰 ○本屆案憲業已開堂審訊刑罰各案計此次由巡理府詳到各案並無重大之件且案件亦屬無多觀此情形諒於七日之內即能審畢收堂矣刑罰嚴辦不可見昇平之氣象哉

橫城瑣事 ○潮來本坡風傳橫城有械鬥之舉甚狂千百相傳人同是說本報因無實耗故未便錄登昨據橫城遞來郵信言十八日海龍輪船在橫城將次啟行之時船中搭客甚多時諸工人因泊船無事相與飲酒而醉後不免譁然喧嘩時舟中執事諸人多已登岸而司舟一人在船聞眾喧嘩因出欲喝止之正譁噪兩聲有酒樽一具飛墮人叢中其樽不悉從何處來竟將一工擊傷諸人至此更為鼓噪謂此樽為司舟所擲因進而迫之司舟見眾欲逞兇乃即至搭客廳中取出槍末鎗刀之洋鎗一枝持以自衛欲使諸人畏而離退詎諸人益形忿怒毫無却懼橫臂而前司舟見眾勢過兇恐難不測乃即赴水逃遁幸時船政廳之小輪船泊於附近乃將司舟救獲時已傷甚事聞船司即調諸工往為訊辦時諸工內已缺少一人翌日即經船政廳提訊以此諸工恃眾犯上罪無可原因判各監禁兩月並充苦工等情想助地近來哄傳橫城釀事之由緣此故也

炮手潛逃 ○刻聞駐防本坡升旗山有炮手二名近不悉所緣何事竟未奉將令擅離防所未悉逃往何方現在國家稽查出口船艘甚嚴蓋防此二兵潛行遁去也

兇案駭聞 ○廿五日有閩人甲乙者未悉其姓氏里居甲則携一妻一子子年約七齡乙則携一妻一女女年約十齡二人偕其妻孥各乘手車一輛由叻鄉來叻乃道經巴實班讓地方猝遇五人亦操閩音兇惡可畏見甲乙等乘車而至突出利刃直前斫之遂將甲乙及二人之妻均斫有重傷臥地不起而匪復將二人之子女拋擲山麓之中而後恨恨而行時該處行人甚稀無有過問者二車夫恐遭累及乃即飛報差館立飭巡差查視見此情形登即將傷者昇送院中調治并飭差四處尋覓其子女旋經覓得其女業經擲有重傷而子則不知棄擲何方無從尋覓至於甲乙等因所傷過重不能語言故不能道其姓氏里居并未能指出兇手為何人究緣何事相仇以至於此以上情形惟據兩車夫所報而已茲將所聞先為照登俟查有續聞再行錄報

姪媳奔月 ○潮人孫姓向在夢內營生薄推餘資邇來因不耐艱居乃娶一粵人婦以為客室携至夢中居住至今已越四月之久瑟琴靜好未嘗聞孟益之敵也近孫以車來叻婦因語孫曰君此行同叻妾亦將隨往以視諸姊妹之近况何如孫許之遂於二十二日相將來坡寄寓泉署前某家至二十四晚孫適以事他出遺婦在家詎婦頗起不良盜取孫之輪匙私啟行篋竊孫所藏洋銀五十四元并孫平日與婦之金器等約共值一百三十餘元潛遁出門不知所往迨孫回寓則玉容已杳黃泉碧落無處追尋矣翌日孫乃將其事報諸案中請官追緝但未悉破籠之鳥能否尋回耳


牛車傷人 ○本坡馬車傷人之事時有所聞蓋馬車來往太驟閃避不及故常有為其所傷乃不意鈍如牛車其行之遲滯異常乃亦竟有傷人之事者廿五日有吉寧人御牛車一輛道經鐵甲橋頭時有潮人之手車一輛從岐道而來猝不及防竟為牛車撞至遂將車夫之足壓傷幸該處適有巡差乃將該牛車執獲送案現未悉作何審辦也

斷指戒賭 ○李某者潮郡人寓居竹脚地方而生平嗜賭如飴稍有資財即無不供諸賭博近復賭兵告北力竭計窮無可張羅乃歸索其妻欲謀典物詎妻禁而弗與由是夫妻遂相反目李至此且思且憤自念今至於此不特資財告竭並且不禮於閨人是皆賭之害人因暫戒賭博即入廚中取出菜刀一柄自將其左手之無名指及小指斷去血流沾袖其婦見之乃急覓藥物為之敷治云噫觀此一事則賭害已可想而知猶幸李尚有悔悟之心若使自此即戒絕賭博則他日立業與家將從茲而起也李其勉哉

賭敗尋死 ○邇來梧槽義興公司因慶賀神誕演戲為歡以故戲場之畔不免有賭博之端時附近有高州人某甲者向在柔佛某錫廠中僱工半生所積得六十餘金因欲鄉旋乃來叻寄寓於其戚處前日偶至看劇聞賭香撲鼻不禁見獵心喜乃欣然入博遂將所蓄概行輸去歸而自思情殊難捨乃於廿五夜私仲阿芙蓉灰欲圖自盡幸為戚所知登即灌救得不死云觀此則李之愚真不可及矣推原其故實由賭害然則人亦何嚙於此耶


誤會情緣 ○青樓之地可以尋樂而不可以鍾情而世人無知往往誤認蓋古有小玉師師之輩佳話長留遂謂勾欄固多情種但無所感則不遇其人耳獨不思由古及今謙平康之籍者如恒河沙數而所謂情義兼盡者彈乘所載仍不過寥寥焉耳維時如許之久維人如許之多而其數亦不易多觀如此而謂以一身之所閱歷即能獲遇也其信然耶嗟夫樓名燕子芳蹤已悵難追欄護鶯兒佳話保無附會故惹綠

蜜酒出




啟者茲本行由歐洲辦到上等密酒
來叻發售其酒甚佳茲將標頭印出
諸君光顧祈為細認免致有誤倘
有無恥之徒假冒本行鎖匙標者本
行定必嚴為控究再此酒不能販往
加勝吧 三寶壟 泗里末
望加錫 檳榔嶼 日裡等處其
他各埠均能運往並此佈聞
一千八百八十六年十一月十
八號 明嗎也洋行謹啟

侯活亞士堅公司告白



啟者本公司向來開設本坡久為中西 商翁所賞識茲承英京汝末公司之命託本公司為該公司駐叻代
機器之人本公司既受所託不得不代為力肩重任將該公司辦事之誠製造之美以及貨物之多盡舉以台海
內 諸商翁知悉緣該公司向來 專辦英京歷久無異素為英國人所賞識不特為英國人所賞識又為鄰國
所賞不特為鄰國人所賞識兼且為天下各國人所賞識蓋因該公司立心持平不遊盡善物料既美製作後精
所以能邀美譽於本國鄰國及天下各國者皆為此也現計該公司所製造之機器甚多筆墨難以盡述更侯不
可備數非親至該公司目擊斷不能備詳所見茲不過略舉其大概言之亦存什一於千百中之意耳至該公司
現經運到本公司存貯代售其中件款堆積如山即不可枚舉茲因篇幅太狹不能盡錄以備 諸商翁青覽
擇其要而通行者略登報端以為 諸君採擇焉如水厚水筒皮帶等其價較別家稍為相宜而貨亦視別家為
特妙請 諸君移至到本公司一觀真有所聞未盡所見之概不啻遊山陰道中令人接應不暇矣至於本公司
又有製造做大薯之機器以及水厚等各機器亦是名目太多不能備列謹此奉告向祈實然賜顧為慰 再本
廠現遷至工部局貨倉左鄰 諸君光臨請移玉趾是荷
大英一千八百八十七年三月一號
侯活亞士堅公司謹啟

機爐



代中西全商修辦各種損壞機器工價格外公道如有 貴客賜顧者請至本
廠面議特此佈 西一千八百八十一年二月廿六號 賴來安公司啟

啟者本公司製造開辦設在新嘉坡直落亞逸尾地方交易多年專造一切靈
巧機器火鑄火礱放大礱粒之器具及大小輪船汽機鍋爐並各種新式編織
器皿一應俱全無不堅固耐久靈便合用隔六甲地方本公司開設有分廠並

中外眾國有限保險公司

啟者本公司總局設在香港多年備
有實本銀二百萬元已先收股份人
來銀六十萬元及餘存銀六十萬元
在叻係本行代理承保各商貨物銀
項配運輪船往來各埔其保費扣用
照例所有花紅之銀俟結賬之後按
數分派前一千八百七十八年
一千八百八十年每股得利息銀計五
八仙又一千八百八十年至一千八
百八十二年每股得利息銀計一八
仙諸貴商賜顧者請至本行面相商
可也 大清光緒九年 月 日
英一千八百八十三年八月廿七號
毛質德公司謹啟

承到各書

啟者現本館
新由上海寄
到活字排板
石印各書
百餘種約計
百餘種茲以
廉價發售諸
尊欲採辦者
請到本館選
購是荷至其
價目太繁不
能殫述其富
另列清單
呈白覽可也
4月號啟



三寶壟洋面火燭保險公司告白

○保險公司之設愈出愈多競善爭長均無不謂己之公司為盡善盡美總之各有長處其價之廉者始為有益於投保諸人茲本行已承三寶壟洋面火燭保險公司之命為駐叻代理人以代保一切洋面以及火燭平安保險所有保無不格外從廉為自來所未有其二號保險係由叻寄貨往港者照平常保費更現扣廿八仙外并增扣廿八仙然則其價之廉較諸別家勝之止遠倘 諸君有惠顧者請移 玉至本行面議而本行寫字樓係在墊邦路頭南生及豐興兩店之中茲並錄明此佈

大英一千八百八十七年八月十六號

代理人福蘭洋行謹啟



英國新出頂上花露水出售 ○啟者本公司所製之花露水及高浪水最為佳製其香之清而且久非尋常可及蓋已馳譽歐洲用此水者莫不噴噴稱爲妙品歷經荷蘭寶星七次以獎其佳然則其妙處可知茲為通流故特佈告倘 諸君有欲採辦者祈請函致本公司取討價單便知一切特此佈 聞

大英一千八百八十七年四月二十五號

加刺安巴馬厘公司謹啟

賞格 ○邇來私烟進口者頗多故販私日盛本坡鴉片碼官虧折不淺茲蒙碼官深信載私進口一事實屬旅居石叻之殷富華人為之而用人代行故特出此賞格凡人除販私者之外如能通信作線將該販私人等拿獲俾得明正其罪者即謝花紅銀五千大員至該線人亦碼官自當協同極力保護之再此花紅銀五千大員乃經稟准 三州府總巡捕大人而出者 諸君幸勿見疑

大英一千八百八十七年二月式號

光緒拾三年正月三拾日

鴉片公司眾碼官啟

雜物平沽 ○啟者茲本號常有各色用物出沽貨美而價廉最便 諸君購採計有長款地氈每張計二十碼價銀由二角至五角高下不等以貨之美劣為別 月眉樣地氈每張價銀由四角至三元亦視貨為分別 洗馬擦每枝價銀由一角二仙至二角 椰索係由徑一英寸至八英寸每担價銀上六元下四元半椰棕毛每担價銀五角 以上各貨均係實美價值廉非別家可比 諸君有欲採買者請移 玉至海山會館隔隣第一十六號門牌本號看閱便得特此佈 聞

大英一千八百八十七年七月一號

西廊人亞里亞嗎里加謹啟

美國峇打妙厘號新欸時鏢出售

敬啟者茲本行由歐洲辦到峇打妙厘號之新式奇巧時表來叻發售其鏢之巧妙實不可階約而計之其妙有五蓋其針行甚準無論位之動靜時之寒暑均無不驗所行暑度累黍無差且閱一月之久而亦不舛分秒之時一利也且其鏢之行不惟甚準而堪令人憑信不致觸目生猜二利也又其鏢機輪甚佳且殊堅固最堪耐久即使年湮代遠亦無廢壞之虞三利也至其鏢製甚精不惟適用而且美觀令人見之愛不釋手四利也矧其價復甚廉較之他表殊為省費五利也有此五利則誠非尋常可及且買此表者可保其用一年無須修理且一年之後即須修理亦無庸照其時價若他表須二元始能修理者而此表則不過僅六角之資即能修復甚且無須六角蓋其機器係為新創其製造之法甚且請易於拆脩故也此表在美國係用機器製造計每日可成表二千枚故其料美價廉誠非他家可及而峇打妙厘製有表鍊甚多各欸俱備且其欸最新其工最巧較諸近來行用者又勝一籌矧其價復甚廉鍊價銀僅由六角至二元至其表鍊黃者如金白者如銀令人觀之無從辨其真偽倘諸君有欲購買者請至本坡各洋雜貨店中相閱如該貨未備則請至本行面商本行坐落土庫後街豐源銀行之鄰 諸君惠臨移 玉趾至於本坡則惟本行代理並無別家並此佈聞 諸惟惠鑒

大英一千八百八十七年六月十五號

大清光緒十三年閏四月二十四日

莫實得洋行謹啟

Charles Heidsieck's
White Star Champagne

三品酒出售 ○啟者本行督辦歐洲馳名三品洋酒來叻發售其酒係曰頭欸式發售有年沽飲 諸君莫不稱其香美奈近有無恥之徒假冒本庄三品酒欸式以圖魚目混珠情殊可恨嗣後 諸君沽買本行白即三品酒者請細認本號招牌之內有小紙包頭註華字新 或明碼也公司者始佳若無此字樣即屬偽冒請為細認特此佈 聞

大英一千八百八十五年十月廿九號

明碼也公司

本館告白 ○敬啟者本館自開設以來辱承各外埠 諸君子不棄時有所投或一紙書傳奇異來告或半寸緘至報籍分贈固屬諸君子之雅愛亦本館主之所樂聞也但是交到魚書多有未經貼用書信館之印單者竊查信館定章與凡郵寄之函件若未先買印單貼於件到之日則照索寄費 倍以故本館於此一項賠墊日多故不能不據情佈聞敢求後凡有惠寄本館之信務祈買單貼發自此以後印單之印信則本館一概不收不拆希勿以方命見責是幸預為佈告即請 文安不宣

本館啟

故中苟失其治則僅越時許遂至殞命今助民患此而斃者甚多因此症非常有之災而諸醫書亦多未載醫者有卒無從措手常至誤事良可悼也因按溫病之疫從陽者多發吳又可瘟疫論多主救陰今助中所見者實為陰疫不可與諸疫同日而語者此其故緣本年助地晴雨失常所致也按本年運氣為厥陰司天歲逢木運是雖歲木不及然有天之符之吉則民無天札時氣應和然則何至有疫癘之侵大抵近來已交四氣則司天權替故時疫遂與素問六元正紀大論云厥陰之紀烈之氣澤暑濕熱薄相爭于左之上而素問氣交變論又謂水運不及則民病中清肢脅痛少腹痛腸鳴漉泄大抵天時失正而少角聲乖所致也乃細致陰疫治法當以溫中為主固脫次之降逆次之存津溶胃又次之知其理則可獲生全否則無不至於誤事者寄語助地岐黃之士願有以善酌其宜也

災切近膚 ○昔禹惡旨酒非特防其縱慾之謂也蓋酒能亂性往往因醉誤事是以惡之乃世人無知動謂酒以合歡醉之謂非酒不足以為樂且引劉伶李白酒之輩藉為解嘲殊不知從古之恣於酒者必意有所屬寄於酒以見志耳豈真醉生夢死而為一斗亦醉一石亦醉者哉故酒不可不飲亦不可過飲雖不能如宣聖之出於自然而亦當強制否則因此誤事者固在意中矣試觀於蔡某之以醉自焚可作殷鑒蔡某者閩人也寓於助之塔利街已置有客家雖在客中已樂不思蜀故心滿意足嬉不知愁日於楚館秦樓恣情取樂而淫朋酒友亦時非為絲月之二十五又在某勾院臨飲博戰甚豪其席未終而至山幾於顛倒其友見彼已醉乃扶之而歸時已斗轉參橫寒漏將盡矣比至戶外諸友即去蔡遂以手叩門其妻從夢中醒來就案上之火水燈持而啟戶要則睡眼尚澀蔡醉態模糊相撞之時遂將火水燈推倒其火驟發蔡之衫褲已被延燒即滾地如蛇之伸縮其妻亦被焚傷左足後同居聞呼痛聲起撲救始不至有性命之虞然蔡已自腰至腿所傷不輕矣現已請醫生調治云夫火水之性最烈非十分謹慎即恐罹不測之災今其夫婦一則宿酒未醒一則夢中纔覺其輕忽之態可想而知宜其有此厄也

以怨報德 ○洪某戴某俱瓊洋人洪則在大東陵某西人處傭工戴則游蕩失業因依洪為居停之主自作寓公洪以同術同鄉故常相拋陸即衣服之費亦已之工值而分給之其梓里之情可謂盡矣不料戴某包藏禍心每思奪洪之工為棲棲之所但無隙可入夙願難償適月之二十四日以洪役難勞口渴思飲乃託戴代作一羔不茶以解煩渴戴遂投以他藥洪飲而病生焉然洪猶不知病從何來疑及於戴也以已不能操作因以事委之而自向卜處靜養戴遂謂其東主謂洪病已深料不能復供前役今願為之瓜代云其東信之然未即許可迨二十五日洪病已愈因復就傭戴日子去後東主已命弟代作不復催子矣洪日事隔一夜即如許變更殊屬夢想想不到因就其東詢問方知戴心懷不軌欲從而奪之也不禁忿怒亟而逐之戴不能平乃約其黨數人伏於要路洪攢攢昨日已大為吃虧云嗟嗟無所主而我主之無所食而我自食之雖不足言恩而情亦不薄矣乃欲奪其工役既不遂志又從而毆之以怨報德交道之難言有如此者

盜案續聞 ○昨錄豆腐街門牌第二十一號廣全昌醬園失竊一案此是得諸傳聞其中尚有不實不盡之處茲得續聞用重登錄報端以供眾覽查得廣全昌號與吉寧廟前門牌第七十四號乾生號醬園均係林阿貞林澤波昆仲二人開創林阿貞掌管廣全昌店林澤波坐理乾生號向來伯仲勤勞積錄累寸生意遂因而暢旺事因本月初十日早六點半鐘時林澤波生輪船付官乃着其兄林阿貞到乾生號代理生涯時廣全昌號亦乏工人看守林阿貞因託寄寓伊店之小販梁振代為守望而林阿貞遂即至乾生矣先是日廣順祥號揭到該店銀項至期適還將銀貯在櫃中實為梁振所見自是梁振緣林阿貞他出遂生盜心即撬破櫃內竊去銀項迨林阿貞回店見其櫃破壞知為被竊即為櫃搜驗而疊疊白翻概已化鳥飛去但四顧無人雀角何能穿屋意必為梁振所竊然未得實據初不敢指其為盜也故於十一日赴署報案請為查緝嗣林阿貞暗查細訪聞有店伴適染探薪病臥床褥據謂聞有梁相全其人者欲與振借銀不允梁相全全怒謂緩急相逼何以爾有意外之財數百元尚不能相借實情不情等語於是林阿貞得聞此耗乃於十六日請暗牌總差率同幹差一名同赴廣全昌號統搜店內諸人衣箱遂於梁振箱內檢得廣順祥號銀本息單一紙前有銀盾一包亦有林阿貞筆跡為憑據謂該銀盾一包皆貯櫃內而失去銀項另有白鐵盒裝餓而廣順祥之單與銀盾內第不知單存而銀何在耳以故總差賭此梁振之箱不無形跡可疑遂逮案中至今猶未實實續聞如此是否仍未得詳俟訊判後容為續報聞該店失去銀項共計七百一十九元五角云

奏准隨員 ○洪文卿閣學鈞奉命出使俄德奧和四國其隨往之參贊等官先後擇其通曉洋務講求西學者以隨隨往往以資贊助聞已經奏調者汪太史鳳藻張太守德彝姚司馬文棟陶司馬森甲洪別駕豐承筆政王大令大連查孝廉燕緒緒盟大使許寶蓮縣主簿陳其鏞等皆經星使奏准隨帶出洋者也

金星過度 ○太白晝見之異本館已據京友來書列報而寓京西友之知天文者貽書時報館云前見報登 皇上祈雨之後一日有金星於午後出見云云余考經緯諸書金星現臨此分野依天尺箕應西歷八月一號即華六月十二日二點五十三分鐘過日度據此推算不且謬於二十七日即西歷十六號二點二十七分鐘星愈燦爛過此即其光稍隱是日欲觀此星計其部位離天涯約五十度至占驗吉凶之說則均係烏有之談蓋星之臨度本屬常事何怪之有 錄滬報

帝京談屑

○豐前金鞍郡蝦蟇生郡長戶長設法驅除將蝦蟇聚處稻根拔去現尚未能淨盡上月廿三四兩日所有大積村黑川村白野村江柄村田村等多久村五處合計拔去稻莖三十八萬三千餘本俟除虫害後當再種也○日本海軍省向法國造船會社定造之第一第二海防艦一名磯島一名松島均用鋼鐵製造各容四千餘噸本年可以竣工預定來春駛至日本一切機器及炮門等俱採用新式非常堅利可為海軍增一層勢力○日本各島皆有狐善攝人男女被其作弄者向來時有所聞自港中軍艦不時出入炮聲震動山峯於是胡氏眷族退避三舍然其尾終不能卷藏偶出一露前有橫濱張德順店之跑街夥人某值下午腹飢途中思食湯麵以果腹即有一女子拍其肩而晒曰子母毋飢乎盍與我前去食麵某聞其言不勝喜悅聽其所止而休焉店中人自某去後東搜西索茫無端倪登諸日報西報百計尋覓仍如海底撈針後有西兵登一高山操演槍炮始將某棄諸山下始得救回已形神若失矣同甯醫病自述如此然病雖愈而身支離此數年前事也現又有崎港丸山左之日人子名石次郎一孤相依為命一日其子忽作嘔吐書空狀父叱之不聽一夜忽失所在始則僱人在屋上喊四方貼招尋繼則逐街派人用燈尋訪每夜燈球數十盞繞羊腸鳥道迄今尚無着落按此節前經錄報茲猶詳故並述之

京報選錄

○山西巡撫臣剛毅跪奏為要缺參將揀員對調以重營務恭摺仰祈 聖鑒事竊查太原鎮屬之澤州營參將一缺駐紮澤州府城界連豫豫邊隘林立實晉省東南門戶近復兼帶練軍步隊左旗訓練巡防在在均關緊要現任該營參將中萬祿年五十九歲係河南河內縣人由軍功保舉於光緒九年 恩補今職該員老成穩練在任數年辦公尚無貽誤惟於沿邊要缺不甚相宜當此整頓營伍之時未便稍涉遷就查平陽營參將者歷年四十一歲漢軍鎮黃旗人由蔭生承襲一等男光緒三年選授今職該員心地明敏操防勤奮以之調補澤州營參將可堪得力其所遺平陽營參將一缺駐紮腹地且與太原鎮總兵同城即以申萬祿對調亦堪勝任合無仰懇 天恩俯准以老成調補澤州營參將中萬祿調補平陽營參將一轉移間洵於人地各得其宜如蒙 俞允該員等係以參將對調銜缺相當毋庸送部引見臣為整頓營務起見是否有當理合恭摺 奏明伏乞 皇太后 皇上聖鑒 訓示謹 奏奉 硃批兵部議奏欽此 ○山西巡撫臣剛毅跪 奏為校閱大同鎮屬各營官兵事竣回省日期恭摺仰祈 聖鑒事竊臣于光緒十三年閏四月二十日自省起程赴北路大同鎮屬查閱營伍兼查地方吏治曾經 奏報在案出省後當由忻州州州大同出德勝口至豐鎮寧遠歸北等廳折回進殺虎口取道朔平朔州雷武仍循折代原路於五月二十日校閱完竣回省統察省北各營其兵力之精銳技藝之優嫺固以挑練馬步各旗營為最其餘各營官兵經上年閱伍加意整頓之後亦均較前稍有起色臣每閱一營將槍炮箭靶照定例步數較准安設於各營官弁先較其手中矢多寡復驗其弓力強弱察其年力衰壯以分優劣各營官皆用六力官弓弓間有八力者箭中三四五矢不等其騎射精熟挽強命中者分別記名獎賞技藝生而年力強健堪以造就者均予記過勒限學習限滿再送考驗如無長進即行分別降革至各營兵丁弓箭中靶者大同三營及忻州懷仁兩營均在九分以上其大則德勝靖遠雷武朔州等營均在八分以上上東路營岳岳均中七分以上殺虎歸化等營均中六分以上而演放鎗礮亦惟大同三營中至九分以上並至十分其餘均中至四五六分不等臣擇其中數較多者酌量記名獎賞少者分別責懲降革至五營所演各種陣式步伐整齊進退嫺習施放連環槍礮聲勢均能聯絡刀矛鋒鏑滾撲擊刺亦均便捷合法野戰馬匹強壯車械齊全錢糧鉛子等項委辦亦無虧短臣以營伍首重操演年來客軍悉撤主兵力單挑練各營旅固當加意精練即存營未挑各兵亦當日勤勤耐以挽積弱而免虛糜臣於校閱後仍嚴飭各將領督率弁兵認真訓練務其一律精強咸成勁旅倘有始終易轍不知振作之員立即隨時參劾以仰付 聖主鑒勸戒行之至意再臣回省後查驗各項工程除城外大提金鋼堰挑水壩等工業經築就外惟城垣衙署兩項工程浩大告竣需時而現當大雨時行城垣各工規模粗具伏以已過臣再前赴省南按營校閱至本年例應舉行 軍政臣仍照上年辦法於查閱營伍時即將應舉應劾人員留心考察密為存記以及地方吏治情形統俟會南一律查竣再行分別彙 奏合併聲明所有校閱大同鎮屬各營官兵事竣回省日期緣由理合恭摺具存伏乞 皇太后 皇上聖鑒 奏奉 硃批知道了欽此 ○裴蔭森片 再據代辦船政提調各品銜前浙江餘杭縣知縣玉崧辰等聯名稟稱查有已故烈婦陳李氏係福建福州府侯官縣人幼具淑姿長嫺閨訓事父紹昌母林氏以孝聞年二十有二歸同邑儒士陳健儀逮事舅姑克盡婦道健儀體弱善病值父歿營葬蒙犯災暑病益加劇氏侍奉湯藥衣不解帶者經年光緒十年閏五月十八日健儀病故氏痛不欲生矢志殉烈以家人防之密無所得聞遂起治喪事陽陽如平時逾月健儀殯有期先一日氏蚤起躬營齋奠神色無少異日將午命傭具湯浴久之不出亟破扉入則投縊寢所氣已絕矣時七月二十六日距健儀死僅六旬年甫二十有六歲健儀家本寒素其族人多旅游他省不能自達於有司職等誼屬桑梓且與氏嫡堂兄江蘇補用知縣李聖培同事船工見聞既確不忍聽其湮沒遺具冊結稟懇 奏請 旌表前來臣查該烈婦陳李氏無忝所生深明大義職修佩既盡孝以無虧節屬摩摩復捐生而不悔洵為巾幗完人宜邀 褒揚 盛典相應籲 奏 旌表以維風化而闡幽潛除冊結咨部科外理合會同閩浙總督兼管福建巡撫臣楊昌濬福建學政陳學棻附片具陳伏乞 聖鑒訓示謹 奏奉 硃批陳李氏著准其旌表禮部知道欽此

批陳李氏著准其旌表禮部知道欽此

奏奉 硃批

知道了欽此

奏奉 硃批

知道了欽此

奏奉 硃批

知道了欽此

奏奉 硃批

知道了欽此

奏奉 硃批

知道了欽此

奏奉 硃批

知道了欽此

奏奉 硃批

知道了欽此

奏奉 硃批

知道了欽此

奏奉 硃批

知道了欽此

奏奉 硃批

知道了欽此

奏奉 硃批

知道了欽此

奏奉 硃批

知道了欽此

奏奉 硃批

知道了欽此

奏奉 硃批

知道了欽此

聲明告白 ○敬啟者本月十九日敝輪橫榔抵叻由汶運到大薯白糖二十五囊全日金德勝輪運至白米一百四十二包土豆三百包又七豆一百包爪亞芬四十囊無人到領早將原貨駁起入棧大船戈里保家棧稅貨客支理見字切將嚴字携來領貨幸勿復延是所厚望焉倘日久貨有破壞汚失不干本火船館之事嗣後船到照例二十四點鐘無携嚴字到來出清一概代駁上棧倘有風水不虞與本船無涉特此佈聞 光緒十三年七月二十七日禮拜三 山仲號謹啟

以偽襲真 ○嘗謂生財有道必先去偽以存誠而與世無爭何不離人而立獨乃以誠欺亂玉魚目混珠心愈勞品愈下矣啟者本號宜香茶庄歷年親到武夷山採辦各款名巖包種運到叻中發售屢蒙 貴客深信故能遠近馳名乃近有無恥之徒希圖射利不計羞惡以偽襲真假冒宜香招牌欺人罔覺四處賤售似此味良喪德誠誠畜之不如彼既有貨營生胡不自立門戶又何必借人之冠裳而壯自己之體面敝號本欲置之法章稟官究辦惟以厚道待人尚望其改過自新耳自此告白之後若仍怙惡不悛定必指名控拘一經彰揚有何面目以自立於羣倫之上哉 諸君光顧尚祈細認本號印標茶式氣味庶不致為偽者欺是所甚幸 大清光緒十三年丁亥七月二十五日 新嘉坡馬車街聲利號謹白

國家地段出投 ○啟者茲有國家地段定於西十月三號即華八月十七日禮拜一下午二點鐘在巴越館內出投其地分作三起計第一起係坐落直落亞逸街士甸釐街絲絲街 第二起坐落吉靈禮拜堂邊即國家大書塾後面 第三起坐落真珠山脚即昇平戲園之後以上各地其地均存於本理地司署內以備查閱至於投地章程應照西一千八百八十六年所立第二條章程而行 諸君有合意購買者請如期至巴越館中投買可也 大英一千八百八十七年九月十三號 理地司何頓謹啟 拍賣人巴越承投

請送銜名 ○啟者茲本局已將屆推選人員之期茲特援照所定新章於六閱月以前先為通知叻地 諸君如有住屋每年租價在三百五十員之上者祈將姓名住址詳細書明於西本月十五號即華本月廿八日以前投交本局以便注册登記俾屆期得以投票公舉是為厚望至於婦女及十一歲以下之童子則無庸列送特此佈聞 大英一千八百八十七年九月九號 工部局總理人不利宜禮謹啟

貴重地段出投 ○敬啟者茲定於西本月三十號即華八月十四日禮拜五下午二點半鐘在本館內拍賣地段一區該地坐落加籠地方地勢乃三百四十七號大有五希萬餘其地可作土油火柴棧房已向工部局領有憑照其地圖現存本館以備諸君查閱此地係在大路乃自來火局對面并通河濱地傍復有一港可通船隻往來以便配運貨物他日更多利益此地乃永遠自主之業投定之後須先交價四份之一餘款則限二十日以前償清所有詳細章程另有西字列明倘諸君合意者請屆期 玉臨投買是荷 大英一千八百八十七年九月八號 巴越館主謹啟

勝汪錫礦有限公司招股告白

啟者本公司之開設專在勝汪等處開採錫礦為業計集老本銀一十二萬五千元分作六千二百五十股每股老本銀二十元實而認股之如耐股份每份先交壓股銀二元派定股份之後每股再交銀四元嗣至西本年十二月一號再交銀二元明十二月一號再交銀二元計共十元所餘十元則至本公司需用之時先一月預為通知然後集取但每次收取每股不過二元半為止不致多取也茲本公司已舉定董事諸君為 狀師黎奕申 不巴簡來那洋行東主蘇士 賈略洋行東主淡申 牙直里洋行東主牙刺士 李君慶鏞 葉君曉勝等及 管理銀項出入人馬堅代即有利銀行 代理狀師列士黎奕申 查核數目人下力山打而音蘇顏 駐叻代理人賈略洋行倘 諸君有欲取股份者須於西本年十月 號禮拜六日上午以前將股份票投交本公司以憑酌奪至於壓股之銀可交有利銀行代貯所有討股格式紙以及本公司之章程小引可向列士黎奕申狀師或代理人賈略洋行取閱便得至本公司寫字樓現設在土庫後第五號門牌 諸君為教希勞 玉趾 大英一千八百八十七年八月廿七號 勝汪錫礦有限公司謹白

印度大藥房告白 ○啟者本藥房自去年開張以來多蒙坡中 諸君賜顧故現在親自向歐洲督辦頂上真料各種藥材不時預便價甚相宜無論男婦老幼病症輕重如要醫治請為到館示知便即登門看症分別發藥手到回春每日開門擬自晨早七點鐘至晚十點鐘為率 諸君有就教者請 移玉至小坡大馬路實得力馬房對面第七十五號門牌詢問便得併此佈聞 大英一千八百八十七年八月十八號 西醫羅實其謹啟

